

# পার্বত্য চট্টগ্রাম চুক্তির পনের বছর পূর্তি

## পার্বত্য চট্টগ্রাম বিষয়ক মন্ত্রণালয়

### বিশেষ ক্রোড়পত্র



বাণী

পার্বত্য চট্টগ্রাম বিষয়ক মন্ত্রণালয় কর্তৃক পার্বত্য শান্তিচুক্তি স্বাক্ষরের ১৫ বছর পূর্তি উদযাপিত হচ্ছে জেনে আমি খুশি হয়েছি।

বাংলাদেশের তিন পার্বত্য জেলা খাগড়াছড়ি, বান্দরবান এবং রাঙ্গামাটি নৈসর্গিক সৌন্দর্যের অপার আধার। যুগ যুগ ধরে বিভিন্ন জনগোষ্ঠী এ অঞ্চলে বসবাস করে আসছেন। তাদের ভাষা, কৃষ্টি ও সংস্কৃতি এ অঞ্চলকে বিশেষভাবে বৈশিষ্ট্যমন্ডিত করেছে। পার্বত্য জেলাগুলোর আর্থ-সামাজিক উন্নয়নের লক্ষ্যে ১৯৯৭ সালের ২ ডিসেম্বর তৎকালীন আওয়ামী লীগ সরকারের প্রধানমন্ত্রী বঙ্গবন্ধু কন্যা জননেত্রী শেখ হাসিনার আন্তরিকতা ও উদ্যোগে পার্বত্য চট্টগ্রাম বিষয়ক জাতীয় কমিটি ও পার্বত্য চট্টগ্রাম জনসংহতি সমিতির মধ্যে এক ঐতিহাসিক চুক্তি স্বাক্ষরিত হয়। এরই ধারাবাহিকতায় গঠিত হয় পার্বত্য চট্টগ্রাম বিষয়ক মন্ত্রণালয় এবং পার্বত্য চট্টগ্রাম আঞ্চলিক পরিষদ। আমি বিশ্বাস করি শান্তি চুক্তির মাধ্যমে পার্বত্য চট্টগ্রাম অঞ্চলের মানুষের আর্থ-সামাজিক ও সাংস্কৃতিক উন্নয়ন ত্বরান্বিত হচ্ছে আমাদের প্রিয় মাতৃভূমির উন্নয়নে দলমত নির্বিশেষে সবাইকে একযোগে কাজ করার আহ্বান জানাই।

আমি পার্বত্য শান্তি চুক্তি স্বাক্ষরের ১৫ বছর পূর্তি উদযাপন অনুষ্ঠানের সার্বিক সাফল্য কামনা করি।

খোদা হাফেজ, বাংলাদেশ চিরজীবী হোক।



রাষ্ট্রপতি

গণপ্রজাতন্ত্রী বাংলাদেশ  
ঢাকা।

### পার্বত্য চট্টগ্রাম চুক্তির পনের বছর পূর্তি

আজ ২ ডিসেম্বর। বাংলাদেশের ইতিহাসে এক ঐতিহাসিক দিন। আজ থেকে ১৫ বছর আগে ১৯৯৭ সালের এই দিনে পার্বত্য চট্টগ্রাম চুক্তি স্বাক্ষরের মাধ্যমে এই অঞ্চলে দীর্ঘ দুই যুগ ধরে বিরাজমান সশস্ত্র সংঘাত ও রক্তক্ষয়ী সংঘর্ষের অবসানে শান্তি, উন্নয়ন ও সম্ভাবনার এক নতুন দিগন্ত উন্মোচিত হয়। গণপ্রজাতন্ত্রী বাংলাদেশের সংবিধানের আওতায় বাংলাদেশের রাষ্ট্রীয় সার্বভৌমত্ব ও অখণ্ডতার প্রতি পূর্ণ ও অবিচল আনুগত্য রেখে পার্বত্য চট্টগ্রাম অঞ্চলে সকল নাগরিকের রাজনৈতিক, সামাজিক, সাংস্কৃতিক, শিক্ষা ও অর্থনৈতিক অধিকার সমুন্নত এবং আর্থ-সামাজিক উন্নয়ন প্রক্রিয়া ত্বরান্বিত করা এবং বাংলাদেশের সকল নাগরিকের স্ব স্ব অধিকার সংরক্ষণ ও উন্নয়নের লক্ষ্যে গণপ্রজাতন্ত্রী বাংলাদেশ সরকারের তরফ হতে পার্বত্য চট্টগ্রাম বিষয়ক জাতীয় কমিটি এবং পার্বত্য চট্টগ্রাম এলাকার অধিবাসীদের পক্ষ হতে পার্বত্য চট্টগ্রাম জনসংহতি সমিতি চার খণ্ডে ৭২টি ধারা সম্বলিত ঐতিহাসিক চুক্তিতে উপনীত হয় যা দেশে-বিদেশে পার্বত্য চট্টগ্রাম শান্তি চুক্তি নামে উচ্চ প্রশংসিত হয়েছে।

ঐতিহাসিক পার্বত্য চট্টগ্রাম চুক্তির ১৫ বছর পূর্তি আজ। দেশের ঐতিহ্যবাহী মুক্তিযুদ্ধে নেতৃত্ব প্রদানকারী রাজনৈতিক দল বাংলাদেশ আওয়ামী লীগ ১৯৯৬ সালে সরকার গঠন করার পর তৎকালীন প্রধানমন্ত্রী শেখ হাসিনা পার্বত্য অঞ্চলের দীর্ঘ পূর্ণজুড়ত সমস্যাকে রাজনৈতিক সমস্যা হিসাবে চিহ্নিত করে এর সমাধানের লক্ষ্যে গঠন করেন পার্বত্য চট্টগ্রাম বিষয়ক জাতীয় কমিটি। জাতীয় সংসদের তৎকালীন চীফ হুইপ আবুল হাসনাত আবদুল্লাহর নেতৃত্বে এই জাতীয় কমিটিকে পার্বত্য চট্টগ্রাম অঞ্চলে স্থায়ী শান্তি প্রতিষ্ঠার উদ্যোগের দায়িত্ব দেয়া হয়। অধিকার আদায়ের দাবিতে যারা সশস্ত্র আন্দোলন শুরু করেছিলেন, সেই পার্বত্য চট্টগ্রাম জন সংহতি সমিতির উত্থাপিত দাবী দাওয়া নিয়ে আন্তরিক পরিবেশে ধারাবাহিক রাজনৈতিক সংলাপের মাধ্যমে সমঝোতায় উপনীত হয় জাতীয় কমিটি। মাননীয় প্রধানমন্ত্রী শেখ হাসিনার উপস্থিতিতে স্বাক্ষরিত হয় ঐতিহাসিক পার্বত্য চট্টগ্রাম চুক্তি যার মাধ্যমে পার্বত্য চট্টগ্রামের দীর্ঘ দুই যুগের অস্থিতিশীল পরিস্থিতির ইতি ঘটে। কাঙ্ক্ষিত শান্তি পাহাড় থেকে পাহাড়ে ছড়িয়ে পড়ে, মানুষের মনে এনে দেয় স্বস্তি। পার্বত্য চট্টগ্রাম চুক্তি জাতীয় ও আন্তর্জাতিক ভাবে ব্যাপক প্রশংসা ও স্বীকৃতি লাভ করে।



চুক্তির আলোকে সাংবিধানিক কাঠামোর মধ্যে স্থানীয় পর্যায়ে জনপ্রতিনিধিত্বশীল প্রশাসনিক কাঠামো গড়ে তোলা হয়েছে। শক্তিশালী করা হয়েছে তিনটি পার্বত্য জেলা পরিষদ ব্যবস্থাকে। গঠন করা হয়েছে পার্বত্য চট্টগ্রাম বিষয়ক মন্ত্রণালয় ও পার্বত্য চট্টগ্রাম আঞ্চলিক পরিষদ। ফলে পার্বত্য এলাকায় উন্নয়নের ধারায় সঞ্চারিত হয়েছে গতি। অশান্ত পরিস্থিতির শিকার হয়ে যেসব পাহাড়ী পরিবার শরণার্থী হিসাবে পরদেশে আশ্রয় নিয়েছিলো, তারা ফিরে আসে নিজেদের আবাস ভূমিতে। প্রতিশ্রুত সুযোগ সুবিধা প্রদানসহ সরকার তাদের পুনর্বাসনের কাজ করে চলেছে। শরণার্থী প্রত্যাবাসন ও পুনর্বাসন এবং অভ্যন্তরীণ উদ্বাস্ত নির্দিষ্টকরণ ও পুনর্বাসন সংক্রান্ত টাস্কফোর্স এই লক্ষ্যে কাজ করে চলেছে। আইনী সংশোধনীর মাধ্যমে ভূমি বিরোধ নিষ্পত্তির জন্য গঠিত ভূমি কমিশনকে আরো কার্যকর করার উদ্যোগ নেয়া হয়েছে। চুক্তির ৭২টি ধারার মধ্যে ৪৮টি ধারা সম্পূর্ণ, ১৫টি আংশিক এবং বাকি ৯টি বাস্তবায়নশীল আছে। তবে চুক্তি সম্পূর্ণ বাস্তবায়নের ক্ষেত্রে গতি সঞ্চার করতে হলে শান্তি চুক্তির পক্ষের সকল শক্তিকে আরো ইতিবাচক ও গঠনমূলক মনোভাব নিয়ে কাজ করতে হবে।

চুক্তি স্বাক্ষরের পর ১০ ফেব্রুয়ারি ১৯৯৮ সালে পার্বত্য চট্টগ্রাম জনসংহতি সমিতির সভাপতি জ্যোতির্সিন্দ্র বোধিপ্রিয় লারমা ওরফে সন্ত লারমা খাগড়াছড়ি ট্রেডিয়ামে তৎকালীন প্রধানমন্ত্রী জননেত্রী শেখ হাসিনার কাছে অস্ত্র সমর্পণ করে সশস্ত্র সংগ্রামের পথ ত্যাগ করে শান্তি ও প্রগতির ধারায় ফিরে আসেন। জননেত্রী শেখ হাসিনা সন্ত লারমার হাতে তুলে দেন একগুচ্ছ ফুল, আকাশে উড়িয়ে দেন শান্তির কপোত। দেশের লক্ষ কোটি মানুষ প্রত্যক্ষ করেন শান্তির পথে এক নতুন অভিযাত্রার।

চুক্তি স্বাক্ষরের পঞ্চদশ বার্ষিকীতে বাংলাদেশের রূপময় ডু-খন্ড অপার সম্ভাবনার পার্বত্য চট্টগ্রামে শান্তি, সম্প্রীতি, উন্নয়ন ও সমৃদ্ধির অগ্রযাত্রাকে আরো বেগবান করার প্রত্যয় নিয়ে কাজ করার অঙ্গীকার ব্যক্ত করছে পার্বত্য চট্টগ্রাম বিষয়ক মন্ত্রণালয়। শান্তি শপথের বনীবান এই মন্ত্রণালয় ও পার্বত্য চট্টগ্রামের সকল প্রতিষ্ঠানের সমন্বিত প্রচেষ্টা সফল হবেই, এ আমাদের দৃঢ় আশাবাদ।



প্রধানমন্ত্রী

গণপ্রজাতন্ত্রী বাংলাদেশ সরকার

বাণী



পার্বত্য চট্টগ্রাম শান্তি চুক্তির ১৫ বছর পূর্তি উপলক্ষে আমি পার্বত্য চট্টগ্রামবাসীসহ দেশবাসীকে শুভেচ্ছা জানাচ্ছি।

পার্বত্য চট্টগ্রাম অঞ্চলের দীর্ঘদিনের সংঘাতময় পরিস্থিতি নিরসনের লক্ষ্যে ১৯৯৭ সালের ২রা ডিসেম্বর কোন তৃতীয় পক্ষের মধ্যস্থতা ছাড়াই তৎকালীন আওয়ামী লীগ সরকার ও পার্বত্য চট্টগ্রাম জনসংহতি সমিতির মধ্যে এই ঐতিহাসিক চুক্তি স্বাক্ষরিত হয়। বিশ্বে এটি একটি বিরল ঘটনা।

এই চুক্তির মাধ্যমে পার্বত্য চট্টগ্রাম অঞ্চলের দীর্ঘদিনের জাতিগত হানাহানি বন্ধ হয় অন্যসর ও অনুন্নত পার্বত্য অঞ্চলে প্রতিষ্ঠিত হয় শান্তি ও উন্নয়নের ধারা। পার্বত্য চট্টগ্রাম শান্তি চুক্তির জন্য ইউনেস্কো শান্তি পুরস্কার অর্জন এই চুক্তির আন্তর্জাতিক প্রশংসা ও স্বীকৃতির প্রতীক।

১৯৭৫ সাল পরবর্তী সরকারগুলো পার্বত্য অঞ্চলের সামাজিক স্থিতিশীলতা বজায় রাখার পরিবর্তে নিজেদের স্বার্থ চরিতার্থ করার জন্য বাঙালি-পাহাড়ী জনগোষ্ঠীর মধ্যে বিভেদ সৃষ্টি করে। খুন, রাহাজানি, অন্যের সম্পদ জবরদখল এবং রাষ্ট্রীয় সম্পদের অপব্যবহার এ অঞ্চলকে আরো অস্থিতিশীল করে তোলে। এমনি প্রেক্ষাপটে পার্বত্য চট্টগ্রাম শান্তি চুক্তি দেশের অখণ্ডতা ও জাতীয় সার্বভৌমত্ব রক্ষার লক্ষ্যে একটি মহান পদক্ষেপ হিসেবে সর্বমহলে প্রশংসিত হয়।

পরবর্তী বিএনপি-জামাত জোট ঐতিহাসিক এই চুক্তির চরম বিরোধিতা করে পার্বত্য অঞ্চলকে পুনরায় অস্থিতিশীল করতে চেয়েছিল। কিন্তু তাদের এ হীন উদ্দেশ্য সফল হয়নি। পার্বত্য চুক্তির আলোকে এ অঞ্চলের সার্বিক উন্নয়নের জন্য আমরা পার্বত্য চট্টগ্রাম বিষয়ক মন্ত্রণালয় ও পার্বত্য চট্টগ্রাম আঞ্চলিক পরিষদ গঠন করি। বিএনপি-জামাত জোট সরকারের আমলে সৃষ্ট অচলাবস্থা কাটিয়ে বর্তমান সরকার এ অঞ্চলের শিক্ষা, স্বাস্থ্য, বিদ্যুৎ, যোগাযোগসহ সকল খাতের উন্নয়নে ব্যাপক কর্মসূচি বাস্তবায়ন করেছে।

আমরা পার্বত্য চট্টগ্রামসহ দেশের সর্বত্র শান্তি বজায় রাখতে বদ্ধপরিকর। এ শান্তির বার্তা আমরা বিশ্বব্যাপী ছড়িয়ে দিতে চাই।

আমি পার্বত্য শান্তি চুক্তির পূর্ণ বাস্তবায়নে সকলের সহযোগিতা কামনা করি।

জয় বাংলা, জয় বঙ্গবন্ধু  
বাংলাদেশ চিরজীবী হোক।

শেখ হাসিনা



বাণী

পার্বত্য চট্টগ্রাম অঞ্চলে বসবাসকারী সকল নাগরিকের রাজনৈতিক, সামাজিক, সাংস্কৃতিক, শিক্ষা ও অর্থনৈতিক অধিকার সমুন্নত রেখে এ অঞ্চলের আর্থ-সামাজিক উন্নয়নের প্রক্রিয়া ত্বরান্বিত করার ক্ষেত্রে বাংলাদেশ সরকার ও জনসংহতি সমিতির মধ্যে ঐতিহাসিক পার্বত্য শান্তিচুক্তি স্বাক্ষরের ১৫ বছর পূর্তিতে পার্বত্যবাসীকে আন্তরিক অভিনন্দন ও শুভেচ্ছা জানাচ্ছি।

এই অঞ্চলকে নিয়ে বিভিন্ন গোষ্ঠী বিভিন্ন সময়ে তাদের নিজ স্বার্থ চরিতার্থ করার প্রয়াস পেয়েছে। তারা সেখানে শান্তির পরিবর্তে অশান্তি, আলোচনার পরিবর্তে অস্ত্রের বানবানানি আর সাম্প্রদায়িক সংঘাতকে উসুকে দিয়েছে বার বার। এমনি এক সংঘাতময় পরিস্থিতিতে ১৯৯৭ সালের ২ ডিসেম্বর মাননীয় প্রধানমন্ত্রী জননেত্রী শেখ হাসিনার যোগ্য নেতৃত্বের ফলে স্বাক্ষরিত এ চুক্তি পার্বত্য অঞ্চলে শান্তি প্রতিষ্ঠায় অগ্রণী ভূমিকা পালন করে চলেছে।

শান্তি চুক্তি বাস্তবায়ন কমিটি পার্বত্য শান্তি চুক্তির পূর্ণ বাস্তবায়নে কাজ করে যাচ্ছে। বিগত বিএনপি-জামাত জোট সরকার ও তত্ত্বাবধায়ক সরকারের আমলে শান্তি চুক্তি বাস্তবায়নে অনগ্রহ ও নিক্রিয়তার কারণে যে স্থবিরতা সৃষ্টি হয়েছিল, তা কাটিয়ে উঠে ইতোমধ্যেই চুক্তির সফল পূর্ণ বাস্তবায়নে গতি ফিরে এসেছে।

নৃতাত্ত্বিক ও সাংস্কৃতিক বিশেষ ঐতিহ্যমন্ডিত পার্বত্য অঞ্চলের সার্বিক উন্নয়ন সরকারের সংশ্লিষ্ট মন্ত্রণালয়, বিভাগ ও বিভিন্ন জাতীয় ও আন্তর্জাতিক সংস্থাসমূহে আন্তরিকভাবে কাজ করে চলেছে। পার্বত্য চট্টগ্রামের মানুষের সার্বিক কল্যাণ ও উন্নয়নে যুগান্তকারী এই চুক্তির পূর্ণ বাস্তবায়নে আমি সকলের সার্বিক সহযোগিতা কামনা করছি।

জয় বাংলা, জয় বঙ্গবন্ধু

সৈয়দা সাজেদা চৌধুরী, এমপি



বাণী

পার্বত্য চট্টগ্রাম চুক্তির ১৫ বছর পূর্তি উপলক্ষে একটি বিশেষ ক্রোড়পত্র প্রকাশিত হচ্ছে জেনে আমি আনন্দিত। যুগান্তকারী এ চুক্তি স্বাক্ষরের সন্ধিক্ষণে পার্বত্য চট্টগ্রাম বিষয়ক মন্ত্রণালয় সম্পর্কিত স্থায়ী কমিটির পক্ষ থেকে সংশ্লিষ্ট সকলকে শুভেচ্ছা জানাচ্ছি।

পার্বত্য চট্টগ্রাম অঞ্চলের নাগরিকের রাজনৈতিক, সামাজিক, সাংস্কৃতিক, শিক্ষা ও অর্থনৈতিক অধিকার সমুন্নত এবং আর্থ-সামাজিক উন্নয়ন প্রক্রিয়া ত্বরান্বিত করাসহ সকল নাগরিকের স্ব স্ব অধিকার সংরক্ষণ ও উন্নয়নের লক্ষ্যে ২ ডিসেম্বর, ১৯৯৭ সালে বাংলাদেশ আওয়ামীলীগ সরকারের সময়ে জাতির জনক বঙ্গবন্ধু কন্যা মাননীয় প্রধানমন্ত্রী শেখ হাসিনার যোগ্য নেতৃত্বে ঐতিহাসিক পার্বত্য শান্তিচুক্তি সম্পন্ন হয়। মাননীয় প্রধানমন্ত্রী জননেত্রী শেখ হাসিনার দূরদর্শী রাজনৈতিক প্রজ্ঞার প্রতিফলনেই পার্বত্য চট্টগ্রাম অঞ্চলে শান্তির সুবাতাস বইতে শুরু করে। শান্তি চুক্তির সুবাদে দীর্ঘ রাজনৈতিক হানাহানি আর সশস্ত্র সংগ্রামের পরিবর্তে প্রতিস্থাপিত হয় পারস্পরিক আস্থা আর সহনশীলতা। বিগত জোট সরকারের সময় এ অঞ্চলে উন্নয়নের ক্ষেত্রে তেমন কোন অগ্রগতি হয়নি। বর্তমান মহাজোট সরকারের আন্তরিক প্রচেষ্টায় পার্বত্য এলাকায় পরিকল্পিত উন্নয়ন কর্মসূচী বাস্তবায়িত হচ্ছে।

আশা করছি ভবিষ্যতে এ উন্নয়নের অগ্রযাত্রা আরও দ্রুততার সাথে এগিয়ে যাবে। পার্বত্য অঞ্চলের অধুনান প্রাকৃতিক সৌন্দর্যের ন্যায় এ-অঞ্চলটি সমৃদ্ধ রাজনৈতিক, সামাজিক, অর্থনৈতিক ও সাংস্কৃতিক বৈচিত্র্যে ভরে উঠুক এ প্রত্যাশা করছি।

আমি এ মহতী উদ্যোগকে স্বাগত জানাই।

জয় বাংলা, জয় বঙ্গবন্ধু

মোহাম্মদ শাহ আলম, এমপি



বাণী

আরণ্য প্রকৃতির অনিন্দ্য নিসর্গ শোভায় ঋদ্ধ পার্বত্য চট্টগ্রাম বাংলাদেশের এক রূপময় ডু-খন্ড। রাঙ্গামাটি, খাগড়াছড়ি ও বান্দরবান এই তিন পার্বত্য জেলা নিয়ে পার্বত্য চট্টগ্রাম। ১৯৯৭ সনের ২ ডিসেম্বর তৎকালীন প্রধানমন্ত্রী বঙ্গবন্ধু কন্যা শেখ হাসিনার আন্তরিক উদ্যোগে ও প্রচেষ্টায় তাঁর উপস্থিতিতে পার্বত্য চট্টগ্রাম বিষয়ক জাতীয় কমিটি ও পার্বত্য চট্টগ্রাম জনসংহতি সমিতির মধ্যে এক ঐতিহাসিক চুক্তি স্বাক্ষরের মাধ্যমে অবসান হয় দুই দশকের রক্তক্ষয়ী সংঘাতের। পার্বত্য জনপদে ফিরে আসে শান্তি ও স্বস্তি। গঠিত হয় পার্বত্য চট্টগ্রাম বিষয়ক মন্ত্রণালয় ও পার্বত্য চট্টগ্রাম আঞ্চলিক পরিষদ, পুনর্গঠিত হয় তিন পার্বত্য জেলা পরিষদ। বাংলাদেশ সরকার ও দাতা গোষ্ঠীর আর্থিক ও কারিগরি সহায়তায় নেয়া হয় বিভিন্ন উন্নয়নমূলক কর্মসূচী। পার্বত্য চট্টগ্রাম চুক্তির সফল বাস্তবায়নের মাধ্যমে এই অঞ্চলে বসবাসকারী ১১টি ক্ষুদ্র জাতিসত্তা ও বাংলাভাষী মানুষের জীবনে সূচিত হয়েছে দিন বদলের পালা।

পার্বত্য চুক্তি স্বাক্ষরের পঞ্চদশ বার্ষিকীতে পার্বত্য চট্টগ্রাম বিষয়ক মন্ত্রণালয় শান্তি চুক্তির পরিপূর্ণ বাস্তবায়ন এবং সম্প্রীতি ও উন্নয়নের মেলবন্ধন রচনার মাধ্যমে তিন পার্বত্য জেলার মানুষের উন্নয়ন ও কল্যাণে নিরলসভাবে কাজ করে যাচ্ছে।

শান্তি ও অগ্রগতির অভিযাত্রা অব্যাহত থাকুক-এ কামনা করি।


নব বিক্রম কিশোর ত্রিপুরা, এনজিপি



প্রতিমন্ত্রী

পার্বত্য চট্টগ্রাম বিষয়ক মন্ত্রণালয়  
গণপ্রজাতন্ত্রী বাংলাদেশ সরকার

বাণী



১৯৯৭ সালের ২ ডিসেম্বর তৎকালীন মাননীয় প্রধানমন্ত্রী জননেত্রী শেখ হাসিনার যোগ্য নেতৃত্বে গণপ্রজাতন্ত্রী বাংলাদেশ সরকার ও জনসংহতি সমিতির মধ্যে স্বাক্ষরিত ঐতিহাসিক পার্বত্য শান্তি চুক্তির ১৫ বছর পূর্তিতে কৃতজ্ঞতার সাথে পার্বত্যবাসীকে এবং একই সাথে দেশের শান্তিকামী সকল মানুষকে শুভেচ্ছা জ্ঞাপন করছি।

যুগান্তকারী এই চুক্তি স্বাক্ষরের পরই ১৯৯৮ সালে পার্বত্য চট্টগ্রাম বিষয়ক মন্ত্রণালয় এবং পার্বত্য চট্টগ্রাম আঞ্চলিক পরিষদ গঠনের মধ্য দিয়ে এর বাস্তবায়ন প্রক্রিয়া শুরু হয়। চুক্তির শর্ত অনুযায়ী দীর্ঘদিন বিরাজমান ভূমি সমস্যা সমাধানে ভূমি কমিশন গঠন, শরণার্থী ও অভ্যন্তরীণ উদ্বাস্ত নির্দিষ্টকরণ ও পুনর্বাসন সংক্রান্ত টাস্কফোর্স গঠনসহ অবকাঠামোগত ব্যাপক উন্নয়ন ত্বরান্বিত হতে থাকে। কিন্তু ২০০১ সালের সাধারণ নির্বাচনের পূর্ব পর্যন্ত তৎকালীন আওয়ামীলীগ সরকারের আমলে সময়ের স্বল্পতার কারণে এই চুক্তির পূর্ণবাস্তবায়ন সম্ভব হয়নি।

এই চুক্তি স্বাক্ষরের পরই তৎকালীন বিরোধীদল বিএনপি এই চুক্তিকে সাম্প্রদায়িক, স্বাধীনতা ও সার্বভৌমত্ব বিরোধী কালোচুক্তি আখ্যায়িত করে তা বাতিলের দাবিতে মিছিল-সমাবেশ করেছিল, এমনকি ২০০১ সালের নির্বাচনী ইস্যুতেহায়ে তারা পরিকল্পিতভাবে ঘোষণা করেছিল যে, যদি নির্বাচনে তারা সরকার গঠন করে তাহলে চুক্তি বাতিল করবে। কিন্তু ঐ নির্বাচনে বিএনপি-জামাত জোট সরকার ক্ষমতাসীন হলে তাদের নির্বাচনী ওয়াদা মোতাবেক চুক্তি বাতিল না করে তা বাস্তবায়নের জন্য তৎকালীন স্থানীয় সরকার, পল্লী উন্নয়ন ও সমবায় মন্ত্রী আব্দুল মান্নান উইয়ার নেতৃত্বে একটি কমিটি গঠন করে। কার্যত ঐ কমিটি তাদের মেয়াদকালে ১১ বার বৈঠক করলেও চুক্তি বাস্তবায়নে কোন পদক্ষেপ গ্রহণ করেনি। বরং চুক্তি বহাল রেখেই তারা সেখানকার স্থিতিশীলতা ও সাম্প্রদায়িক সম্প্রীতি বিনষ্টে অগ্রণী ভূমিকা পালন করেছে। শান্তি চুক্তি পূর্ব দ্বন্দ-সংঘাতময় পরিস্থিতি সৃষ্টির তাদের হীন প্রচেষ্টাকে পাহাড়ের শান্তিপ্রিয় মানুষ ঘৃণা ভরে প্রত্যাখ্যান করেছে। বিগত তত্ত্বাবধায়ক সরকারও শান্তি চুক্তি বাস্তবায়নে কার্যকর কোন ভূমিকা পালন করেনি।

বর্তমান সরকারের সময়ে মাননীয় প্রধানমন্ত্রী জননেত্রী শেখ হাসিনার নির্দেশে মাননীয় সংসদ উপনেতা সৈয়দা সাজেদা চৌধুরীকে আহ্বায়ক করে শান্তি চুক্তি বাস্তবায়ন কমিটি, ভূমি কমিশন, শরণার্থী বিষয়ক টাস্কফোর্স, পার্বত্য চট্টগ্রাম উন্নয়ন বোর্ড, রাঙ্গামাটি, বান্দরবান ও খাগড়াছড়ি পার্বত্য জেলা পরিষদসহ সমস্ত কমিটি পুনর্গঠন করা হয়েছে। ভূমি বিরোধ সমস্যা হচ্ছে পার্বত্য চট্টগ্রামের মূল সমস্যা। পুনর্গঠিত ভূমি কমিশনের আইনী দুর্বলতার কারণে এ বিষয়ে কাজের প্রত্যাশিত গতিশীলতা ফিরে আসেনি। এ আইনের কয়েকটি ধারা সংশোধনের জন্য সংশ্লিষ্ট মন্ত্রণালয়সমূহ কাজ করছে। আগামী সংসদ অধিবেশনে সংশোধনী আনা সম্ভব হবে বলে আশা করি। ২২ জানুয়ারি ২০১২ তারিখের চুক্তি বাস্তবায়ন কমিটির সর্বসম্মত সিদ্ধান্ত মোতাবেক এ চুক্তির ৭২ টি ধারার মধ্যে ৪৮টি ধারা সম্পূর্ণভাবে বাস্তবায়িত হয়েছে, ১৫ টি ধারা আংশিক বাস্তবায়িত হয়েছে এবং ৯টি ধারা বাস্তবায়নের প্রক্রিয়া চলমান রয়েছে।

শান্তি চুক্তির পূর্ণ বাস্তবায়নের লক্ষ্যে বর্তমান সরকারের আমলে গত ১২.০৫.২০০৯ তারিখে রাংগামাটি নার্সিং ইনস্টিটিউট, ২৯.১২.২০১১ তারিখে খাগড়াছড়ির উপজেলা ও জেলা যুব উন্নয়ন অফিস এবং ০৮.১১.২০১২ তারিখে আরো ৪ মন্ত্রণালয়ের ৫টি বিভাগ/বিষয় তিন পার্বত্য জেলা পরিষদের অধীনে ন্যস্ত করা হয়েছে। তাছাড়া পার্বত্য এলাকায় স্বাস্থ্য, শিক্ষা, বিদ্যুৎ, ধর্মীয় তথা গ্রামীণ অবকাঠামো খাতে ব্যাপক উন্নয়ন ত্বরান্বিত হচ্ছে। শান্তি চুক্তির সফল বাস্তবায়নের ধারা এ এলাকায় দীর্ঘদিন চলমান সাংঘর্ষিক অবস্থার পরিবর্তে সাম্প্রদায়িক সম্প্রীতি আর পারস্পরিক সহনশীলতার এক অনন্য দৃষ্টান্ত স্থাপন করে চলেছে।

শান্তি চুক্তি স্বাক্ষরিত হওয়ার ১৫ বছর পূর্তিতে আমি এর পূর্ণবাস্তবায়নের জন্য সকলের ঐকান্তিক সহযোগিতা এবং ইতিবাচক ও গঠনমূলক ভূমিকা কামনা করছি।

জয় বাংলা  
জয় বঙ্গবন্ধু।

দীপঙ্কর তালুকদার, এমপি